

月
滿
樓
文
集

月滿樓文集卷九

元和顧宗泰景嶽

受業章爲棟編輯

序

禹貢圖書指掌序

禹貢一書名雖曰貢其文則亦典也言禹所以治水之事所底之績無不甚詳且悉其每一州之下各究水之所歸矣而首尾本末其脉絡相應處又見于導山導水之文若網在綱源流貫澈古今解者隨文因義以就章句者無所發明若繁稱博引浩漫無歸則又苦其聚訟

少折衷焉。非于山水形勢之大瞭如指掌而復參究積卷。䟽通證明。有以得其要領。欲求其一二言之當也。難矣。練川唐君桐園著圖書指掌二卷。其得禹貢之要者乎。禹貢釋者。不一家。大約宗山海經爾雅。歷代史志水經注。元和志及寰宇記。輿地記諸書。唐如顏氏孔氏。宋如蘇眉山王臨川林三山呂東萊皆有著說。而曾氏彥和考證地理。頗有依據。比諸說爲詳足。爲九峯輔翼。至元惟吳草廬纂言四卷。程廬山蔡傳旁通六卷。切近簡明。便于學者。余嘗卒業于此。願未及著有成書。桐園能引經據古。得條理而貫通之。又不附曲說。不逐繁詞。

恐致駭目奪心無益于讀書之要信嘉惠後來之善本也。夫今日山川形勢固非昔比如古河自周定王時南徙已失大禹之舊必博學多識以古時之文參歷代之志有依據而後論定之庶幾不謬耳不然如以碣石爲九門以九江爲尋陽甚至以磔谿爲矜磔支離舛錯不可更僕數非滋之患耶。桐園寧簡毋詳仍有所考證以抒其所得讀是編者自不以蕪雜相詬病更不以爲簡約而或忽之則尋繹引伸其有以見作者之苦心矣。

趙秋谷先生評唐詩鼓吹序

唐詩鼓吹一集。傳爲元遺山所選。當時郝氏注之。郝氏學遺山之門。得其指授。趙松雪許其能探隱發奧。厥後廖氏爲之解義。而我朝如虞山陸氏王氏錢氏崑山朱氏。更參訂之。唐詩之精神。情性。殆無餘蘊矣。近六泉明府出示令祖秋谷先生所評本。益令人爽然失恍然。悟古人風雅之蘊。始曲傳也。先生之評是集。其引事釋義。舛謬者既標指證正。至比興之旨。諷喻之微。山川草木之靈。倫紀民物之故。闡發者止一二言。而古人心思。境千百載而上而莫得遁其情。人謂遺山工去取。先

生。因。其。所。去。取。而。評。隲。之。卽。以。究。有。唐。一。代。詩。可。也。先
生。論。詩。嘗。有。句。云。畫。手。權。奇。敵。化。工。寒。林。高。下。亂。青。紅。
要。知。秋。色。分。明。處。只。在。空。山。落。照。中。是。先。生。所。領。取。者。
不。徒。參。其。字。句。直。抉。其。神。理。學。者。誠。得。先。生。之。所。評。會。
通。詩。人。之。神。理。郝。注。廖。解。忘。跼。蹄。而。棄。之。而。風。雅。之。蘊。
傳。矣。六。泉。承。家。學。工。于。詩。爰。卽。鄙。見。相。質。其。有。以。辱。教。
之。也。

趙秋谷先生評才調集序

官贊秋谷先生宗虞山二馮學。有問世鍾期之契。當時名卿妬之。不顧也。文孫六泉明府以名孝廉來仕吳中。攝虞山令。于是訪二馮墓。酌以酒。勒碑墓側。夙世瓣香。若有數然。馮氏何以得此于趙氏哉。蓋二馮先生以沉博絕麗之學。爲詩法。少陵義山專以神智才情。啟發後輩。其所選才調一集。見詩家標旨。官贊嗜其學。更爲選其集。匪徒去繁就簡。實于其中。窺得旨趣。盡以金鍼度與人也。夫詩之爲道。詭譎平庸。俱無是處。才調度幾酌其可焉。雖少陵大篇。不甚收。多收元白溫李之作。然有

調以運學有風藻以騁才抒寫性情流連比興于詩
之爲道思過半矣或者謂宮贊飴山全集筆雋思深町
畦獨開意致憂然自遠與才調集若異軌嗚呼此則先
生之深于才調而進焉者也先生融冶其才自加變化
取材者唐詩未嘗鑿空梯險如宋人爲也六泉以選本
屬爲之序竊爲推其曠代相契之故以明古來作詩之
旨如此他日者婁江一權與六泉面爲論定或不以鄙
言爲謬也夫

宋金三家詩選序

吾師沈歸愚先生所選古詩源。唐詩別裁。明詩別裁。諸集久已膾炙海內。士人奉爲圭臬。而獨宋金元詩久未之及。非必如嘉隆以後言詩家尊唐黜宋。概以宋以後詩爲不足存而棄之也。誠以宋以後詩門戶不一。求其精神面目。可嗣唐正軌者。不二三家。卽得二三家矣。篇什浩博。擇焉不精。無以存之。不如聽其詩之自存。是則存之綦重。而選之難也。今年春先生始選蘇東坡陸放翁元遺山三家詩。補前此所未及。同協助者爲吾友陳昌野。航茫如煙海。各一搜尋。三家爲宋以後大家。以選

之者存之。盡詩之正軌矣。放翁遺山二家先生首爲論定。例言評語都備。獨東坡詩于病中選閱。祇有定本。不及評。而先生已下世。今野航梓版行世。悉存其舊。不纂入一語。以滋後世惑也。竊嘗取三家詩讀之。東坡于韓吏部後。獨開生面。其才之大。如金銀銅錫。合爲一冶。其筆之超曠。如天馬行空。不可羈勒。洵巨手也。放翁南渡後。推第一。胸懷磊落。光氣凌暴。其志節所見。直可上追少陵。不得以詩人盡也。遺山值金之衰。悲憤沉鬱。浩氣獨存。黍離麥秀之感。往往流溢。其身未嘗仕元。實爲金詩首選。三家者各有面目。各有精神。非擇之至精。無以

存其真此先生選之數十年久而論定庶不與唐岐趨
而存宋以後之詩也。視東萊文鑑伯修文類所錄以及
李子田藝圃集所選曹能始十二代詩選所載其純駁
爲何如也。獨是三家詩定矣。往者野航刻唐八家詩先
生序之。今先生三家詩成所以繼古詩唐詩之選者。先
生竟不及序而泰乃操筆志之。師生存歿之感不自知
其涕泗橫流所所與野航執卷而長太息也夫。

葆璞堂文集序

古之六經古之文章也。易曰：觀乎天文以察時變，觀乎人文以化成天下。故通經則未有不文者，舍經而言文，書倉說鈴耳矣。自分經與文爲二，專治經者或不工文，工于文矣，詞又或詭于經。漢儒補綴六藝，建元元狩間，文章爛然，然而馬遷相如楊雄之徒，或病其馳騁有餘而不足于道。至唐韓愈氏始能因文以見道。宋古文盛行，乃劉子澄謂宋朝只有四篇文字，而歐蘇不及，雖亦言者之過要之作文之旨歸可識矣。光山胡少宗伯滄堯先生湛深經學，尤邃于易，晚歲受知

聖祖朝三接。澹寧居。繼繪循環太極諸圖進說。

御前。

上有真苦心讀書人之目。自後歷躋卿貳侍讀。

青宮。未嘗一日廢學。所著有周易函書韻玉函書文集。詩集不下數百卷。今

皇上右文稽古。

特旨徵取先生遺書。且謂究心理學。素所深知。

眷顧之重。不隔三朝。海內震其榮遇。而不知先生之深。于經用功深者。收名遠也。近廉使雲坡先生追紹先緒。重輯遺編。函書已有成刻。茲將刊葆璞堂文集。命泰校。

閱泰謹奉全集讀之根極理要涵泳聖涯玉潔而珠光
川飛而雲泳其大篇則倫物象數體樂幽明之故罔不
旁推交通一準于理之至當其雜著亦咸抒寫性情自
胸中流出淵然粹然渟泓演迤大遠于玩物喪志者之
所爲蓋經與文之同原自漢以後離而爲二者得先生
合而一之讀先生之文當從布帛粟菽中知先農先蠶
之辛苦而有以窺其所自來也昔李漢序昌黎集謂文
者貫道之器夫文何爲貫道不知道者則因文以求道
而深于道者其文自道中傳出先生邃于易又旁通推
步五行家言其真觀天文以爲人文洋洋洒洒獨有所

得而無愧古人者乎。

葆璞堂詩集序

有韻之言。不自三百篇始也。其始本于易。易詞如西南得朋之類。往往比音協義。若書若禮若春秋傳。其有韻者多矣。自漢魏而降。以迄三唐。其間祖風騷。審聲律。析華藻。非不盡變極妍。而論天然旨蘊。必濫觴六經焉。宋儒如邵堯夫。梧桐月上。楊柳風來。昔人推爲風流人豪。石曼卿樂意相關。生香不斷。昔人謂形容得浩然氣象。至朱子青山綠樹。雲影天光之作。更無非見道之言。無理障。得理趣。有韻之篇。不專從六經入。可以從六經出也。此詩之至。而非務采色夸聲音者之所能爲也。光山

胡少宗伯滄曉先生精探周易其學浩博無涯浹夫易
俯仰天地遠取近取卦象之中卽通比興之義先生于
學易之暇時時發爲詩歌涵暢道德吟咏性情息于理
者深故得于心者妙得于心者妙故抒于言者遠不襲
漢唐面貌而于宋人理趣不繩削而自合故無論少壯
行藏林泉朝廟而悠然寫襟期近風雅有以造乎詩之
至境也不務采色夸聲音而務焉夸焉者之萬莫能逮
也昔程子不云乎興於詩者有吾與點也之意然則欲
知先生之易當讀先生之詩欲知先生之詩其亦于春
風沂水間求之可也

六家詩選序

昔尤西堂太史序漁洋山人唐詩十選云。或謂今之學唐詩者。摹擬剽竊。若以水濟水。若琴瑟之專一。故轉而趨于宋元。上則眉山劍南。次則遺山鍊崖。鈎奇索隱。散見側出。是亦猶厭官厨而采野蔌。屏古樂而奏新聲。然則詩之宗唐也。必矣。顧有唐三百年。稱詩者衆。厥後選詩者不一家。前代惟新寧高氏品彙一書。頗爲大觀。其旨詳初盛而略中晚。貞元以前備矣。元和後非所尙焉。夫詩之爲教。隨氣運爲轉移。氣運所開。才變應之。元和後詩人之詩。沉雄鬱厚。不及貞元以上。而盡態極妍。標

格之工取神之遠實爲前此所未有雖以宋元名家極力爲之有不逮者此固未可概略矣吾友蕉林周君劉覽衆家取元白溫李益以劉賓客杜舍人爲六家詩選甄綜別擇各致其精情文諷諭莫如白才思驚艷莫如元稹至綺靡莫如溫沉博絕麗莫如李至如夢得之豪宕牧之之俊邁皆卓卓一時者蕉林之選六家可以盡元和之才之變卽可以見中晚詩人之大略豈與旁門別牖無所取裁者可同日語耶杜少陵云別裁僞體親風雅轉益多師是汝師誠述相誦述涵泳六家將繇中晚以幾初盛是選也其高氏之笙簧歟其何必解絃更

張舍唐取宋蹈西堂之所譏歟蕉林雅辱商榷爰綴數
言以共質云。

鳳山周烈女輓詩序

古來以烈女而著于詩篇者始自衛風柏舟念兩髦之我儀矢之死之靡他說者謂共姜未字守義獨全其節彰矣厥後陶嬰黃鵠之歌敬瑜妻孤燕之詠皆遺音也若乃詩非自作而藝林哀之者歷世多有魏文寡婦詩爲陳留阮元瑜妻作也潘岳寡婦賦爲樂安任子咸妻作也至王粲丁廙之徒亦篇章垂後悽惻可傳蓋貞節之風古今所重或一時慕義情致激烈而秉正不違有以感人心而動風俗此長言永歎往往藉詩篇以傳也鳳山烈女周氏爲歲進士岐寶女少失怙事母孝許字

同邑陳生植壁年及笄。未字而夫卒。女聞之。摧傷欲絕。卽誓捐軀相從地下。以母氏之愛。勸阻久之。且夙夜防維。僅而後免。然一日母氏歸寧。女乘家人間。遂畢命。誓井。計夫死至女死。止八閱月耳。遠近聞之。俱賦挽歌以悼之。夫女子有行。遠父母兄弟。配適君子。宜竭節盡理也。乃時尚未字。年甫及笄。所天一喪。并不忍爲未亡人。何見之決。而義之明也。古來烈女如斷指截髮。毀耳割鼻。以奇行顯者。胡可勝道。然或爲豫刑。或待同穴。猶若少緩須臾。今女徇夫。慷慨視死如歸。嗚呼。行可謂難矣。卽或無表揚者。而節烈自可千古矧見之。詩歌不可與。

相舟風人並傳不朽耶。古烈女操云。波濤誓不起。妾心井中水。女乃死于井。而與冽水同清也。余故哀之重之。爲之序。以爲彤管之一助。

族祖嘯軒先生詩集序

武陵之以文章著者。自晉以來。代有聞人。長康景怡。允南諸家。其最著矣。而玉篇之撰。國史地志之修。尤卓卓不朽。至唐而逋翁以詩擅名。愿官著作。繼隱華山。累召不起。子非熊繼之。詩亦嗣軌。蓋風流固遠矣。吾家自大石公風雅倡始。追先啟後。望隆勝國。宗支蕃衍。垂三百年。來類多勤學問。而能詩文。而族祖嘯軒先生則尤族之夙望也。好讀書。砥節行。不慕榮利。恬淡自適。屢應秋試。不得志。無幾微怨尤。而胸中之所得。生平之所感。一寄之于詩。夫詩之爲旨。古無泛作。一經一緯。必本乎

至性至情風雨之幽雲霞之變禽魚草木之細山川宇宙之奇有性情以通之則抒寫皆倫物之要可以感已而感人也王裒讀蓼莪而門人輟業裴安祖講鹿鳴而兄弟同食李栴和伯于甫田悟進學衡門識處世非感發者深怨慕歌舞出于中之自然耶先生不憤不激所言皆孝友忠厚其于詩之旨固何如也今年六十餘矣以詩自寫亦以詩教子弟過庭之彥聲滿藝林將以生平所蘊蓄發之于後孝友忠厚其醞釀者深其光耀者遠何難如非熊之嗣逋翁以詩濟美而功名過之非熊官正盱眙然則大石公而後不有以振興風雅而爲吾宗故云

之幸歟。泰幼好奇服。而質薄才淺。孤落于世。雖日事詩歌。而歲月如馳。修名不立。媿無以揚厲先芬。副碩大之望焉。韻嘯軒一集。乃益爽然其自失矣。

亦園倡和詩序

毘陵陳子野航承先人遺緒修治其亦園其水源木本之思余序之詳矣茲復寄園中倡和詩屬余爲序余惟自昔文人學士。訖揚風雅。性好友朋。其有千里命駕者。或披襟攬佩。或載酒看花。一時興之所至。篇什間作。蘭亭之敘。輞川之詩。風流最著也。而勝事之著于毘陵者。樊川水榭。東坡別院。萬竹亭爲楊萬里陳亮交友處也。萬卷書樓爲趙孟頫虞集讀書處也。其鄉流徽餘韻。猶可想見。宜乎擅林亭之勝。必流連歌詠以永其旨趣也。今野航治園徐墅。春秋暇日。賓至賦詩。卽或聞聲相思。

亦多郵筒往復。與之交者皆四方知名之士。故詩皆斐然可觀。余擇其尤者論定之。可以見主人之賢。友朋之樂。與夫詩歌之美矣。且夫詩歌之道。美不自美。因地而傳。野航之園。登高望遠。山則有君山。青山。黃公山之勝。水則有大江。申浦。芙蓉湖之勝。不啻迴巧。獻媚。靈秀。實鍾焉。野航既無他嗜好。彈琴。舒嘯。有倡斯和。三復亦園一集。其得助于江山者。可不謂盛歟。余嘗歎夫玉津金谷。徒侈綺麗。千古惜之。其可以不朽者。惟此友朋之誼。風雅之業耳。今野航所交者廣。而所志者遠。豈獨南蘭勝事。輝映遠近。不將瓣香。襲哲有以希蘭亭。輞川之遺。

風也。夫是爲序。

楊梅溪詩鈔序

楊子梅溪爲太史皋里先生之文孫。明經果庵先生之令嗣。少承家學。講求風雅。年方誦詩。卽好吟詠。研究日深。浸淫卷軸。每拈一韻。成一什。抽新茗于夙穎。澄曉露于墜流。神韻天然。應絃中律。其深穩之致。又極玲瓏跌宕。而不失詩人之則。吳趨清嘉之地。才人輩出。梅溪其特秀也。近以白鳳樓詩二卷見。脉格律更進。樂府追漢魏之遺。五古宗文選之旨。七言排奐。律體清淳。于詩實有深造者。以與偏僻奇險。仍歸庸俗一流。眞侔乎其遠矣。今夫舞劍者之爲技也。騰空揮霍。霹靂上天而飛往。

翔來不能離手而神其用也。尋樞者之爲術也。緣險踞
躡青雲墜地而手蹉。脚踏不能離身而妙其機也。詩之
爲道亦然。盡神明之智。通變化之才。陣馬風檣。鯨呿鰲
擲。不可方物矣。然而有旨。有法。有神。有韻。有體。裁有派
別。舍此而言詩。則直不能爲詩。以是知好爲偏僻奇險
見者。稱異。要亦無與于詩之數也。今梅溪克紹家業。宗
法唐賢。所爲詩。深穩之中。思精體備。未嘗不盡其智。騁
其才。而僻險不陷焉。詩所以工也。况又年富力強。不懈
及古。又何可量耶。余向從長洲歸愚先生遊。相與討論
作詩之旨。有所得。願爲吾同學告。梅溪其契之久矣。因

申所見以爲序。

徐氏族譜序

聞之禮上治祖禰下治子孫旁治昆弟合族以食序以昭穆別之以禮義故同姓從宗合族屬異姓主名治際會其從宗者同姓之父族從大小宗也其合族屬者合聚族人之親疎俾昭穆同時食也族敬于服四世而總五世祖分六世親屬竭矣庶姓別于上而戚單于下四從兄弟各自爲宗因字因官別于高祖以外親屬廣矣疎矣然而繫姓弗別綴食弗殊者何也尊祖故敬宗也敬宗故收族也服以等而殺情以聯而合也後世氏族之法廢而孝弟之源薄矣吾吳洞庭徐氏代有聞人家

有族譜。唐會昌時。樂圃公從洛下遷洞庭。洞庭之有徐氏自此始。三傳有會徵公。六傳有昌言公。著于宋。十一傳爲大章公。官莆田。有遺祠。世居洞庭之西山堂里村。故稱洞庭徐氏。其族譜之立。創自有明。嘉靖至本朝。族人屢修之。數十年來。椒繫瓜衍。支派日滋。而舊譜未輯。吾友西圃恐其久而難徵。偕族人慨然重纂。嗚呼。豈非動念水源木本。而有敬宗收族之思者耶。今之人尙徵逐重婚姻異姓親戚之間。喜則慶喪則弔。聯之以饋問。通之以燕衍。若於主名治際會之禮。殷勤講肄而不可缺。及問其本支之派。別世系之源流。有味然不能悉。

數者。嗚呼。何明于此。而闇于彼也。吾親屬爲塗人。將絕
族姓。而忘同祖親疎之。不辨族誼之。不敦也。今西圃同
族人。勤輯譜帙。溯原反本。此真孝弟之心所由生。惇睦
之道所由講。從此明乎繼別繼禰。大宗小宗之義。推之
服術之有六。從服之有六。世系昭而本支合。周親浹而
族屬通。不可遠。僥倖之習。而培仁厚之基歟。西圃好風
雅。長于詩。今族譜之修。又將求于禮親戚兄弟。莫遠具
邇。爲之歌行葦之篇可也。

月滿樓文集卷十

元和顧宗泰景嶽

受業蔡之定編輯

序

擬王右丞送秘書晁監還日本國序

盛德誕敷。化及普天之土。聖人作覩。瑞徵滄海之波。旣
近悅而遠來。自畏威而懷德。我國家居天地之寶。治陰
陽之氣。紀綱八極。甄度四方。鸞鸞向阿閭而來。朝鳴鵲
望泮林而爭集。豈求金車於下土。悉奉琛幣於上方。良
以賓至如歸。久撤西河之館。遠無弗屆。率俾東海之隅。

日月所照。罔不瞻依。風雨所濡。莫不從助。是以延頸舉首。一皆慕義向風。島夷日本國。生聖明之世。好儒雅之宗。以下根之畀。服中華之盛。詎真黥面而文身。久已心歌而腹詠。委質重譯。通名氏於象胥。測海來朝。共珍奇於王會。東修達禮。請詔受經。嘉其歛衽而來。常得授館而處。晁司馬浮槎歛境。去國辭親。期魏闕於生涯。覲聖闕於彼岸。名成國子。官拜客卿。子產在鄭。方酬季札之衣。士會去秦。竟贈繞朝之策。三年仕宦。夢繞白雲。兩地遨遊。歸看紅日。爰是稽顙北極。回棹東邦。傳經籍於平原。橘。藤之流。諭道德於相板。赤關之遠。龍門。豈維挂席。

長川蓬島渺瀰。維綃磐石。旣泛海而凌山。遂噴雲而屑雨。徒識觀怪無涯。遂因歸風。獨返。嘻。辭鳳凰之窟。還渤澥之鄉。誦王志於殊方。懷好音於上國。時當祖餞。用賦贈言。

不入唐以後事。典則名貴。直分右丞之席。

停雲集序

悵望前期。每憐話雨。眷懷舊緒。獨賦停雲。惟勝友之難
忘。藉詩歌以寄志。三秋不見。追采葛之風人。千里安知。
憶臨岐之客子。旣停驂而輟棹。曾送范雲。且命酒以攜
琴。重嗟王勃。所賴新裁。鳳紙傳來。絕妙之書。往製魚箋。
寄到長思之字。僕也夙多雅契。舊踐名場。歲月幾何。雲
霞不改。一賢百里。半面十年。或聲子之班荆。再逢故友。
或鄭僑之贈紵。乍遇新知。況乎少事遨遊。長羈遠道人。
依吳會。並聽越吟。舟刺江干。亦探淮浦。珠澄湖北。問國
士於秦郢。花映竹西。沂美人於邗水。逸興則青山白紵。

曾臨姑熟之溪。勝概則牛首雞籠。屢上建康之路。亭高
歷下。每憐濟水名流。樓壓任城。誰問徂徠舊隱。繫馬小
金臺下。每慷慨以聞歌。拂衣杏蔭門前。更蒼涼而按曲。
卽此地。遠天長之感。彌念星離雨散之踪。樂去悲來。我
留子往時。哉不與邈矣。何從桂梁曉而落月。遲蘭嶼幽
而清風遠。何年惠我偏留。金錯之刀。他日貽余。獨有瑤
華之札。用此編成別集。須當藉寄深情。至如名可得聞。
有歌可當晤語。人雖遠甚。賞心總托良知。解帶爲一日
之惠莊。披襟卽千秋之稽呂。所得同收篋衍。不禁富滿
瓊函。嗟乎。不寄梅花安識江頭之春信。不攀楊柳誰知

灞岸之芳。棕。媿。乏。清。詞。聊。疏。短。引。酒。堪。佐。興。一。傾。鸚。鵡。
之。杯。詩。可。論。交。永。佩。鴛。鴦。之。什。

晚峯上人輓詩序

天竺先生由來善慧。維摩居士總是能空。參文字之禪。
韻出已公茅屋。結香緣之社。醉逃惠遠廬山。可知選佛
之場。自有拈花之侶。若乃三生圓覺。明鏡非臺。八垢脫
離。浮盃有渡。此身原幻。本從香國而來。吾性最超。竟載
慈航以去。斯則碧雲格遠。難招伽葉之魂。白足風微。獨
證辟支之果者矣。晚峯上人。由拳舊族。秀水名流。家傍
鴛湖。香接梅花之里。人依鶴渚。波通長水之塘。曾遠客
於金臺。遂歸遊於練浦。心苗剋盡。始居米芾園邊。覺草
栽來。且住許渾宅畔。托蓮花而觀世。繼探靈隱之山。借

金粟以生身終入長洲之苑兼之性耽佳句偏宜白燕
爲龕抑且才擅清吟彌稱青鴛作舍論詩月閣依隣則

人比韓嬰

謂香麓旭亭兩昆仲

載酒星橋抽韻則余慚顧况謬托

塵中之知己偏稱方外之從遊祝豈辦香依然助我生
逾寒水宛爾啟予村店斜陽寫出青山之態板橋細雨
吟來紅杏之天送我江南腸斷白門柳色傳書薊北心
縈上苑鶯聲無窮絡繹之詞妙轉清空之旨豈知善疾
竟成藥椀生涯何以消愁惟有蒲團宴坐苦煞中秋之
後醫禁歌懷淒其重九之前夢歸冥路問一絲而不掛
超五蘊以俱非嗚呼黃葉聲中病僧竟逝木犀香裏佳

何。空。留。如。來。應。是。後。身。可。憐。化。寂。靈。運。且。教。成。佛。共。惜。
逃。虛。覓。黃。卷。以。披。塵。痛。白。雲。而。埋。骨。昔。日。菩。提。之。契。今。
時。翰。墨。之。緣。載。賦。哀。詞。偏。揮。恨。淚。從。此。流。風。未。沫。思。清。
話。於。梅。林。庶。幾。逸。韻。常。存。記。舊。悰。於。蘭。若。云。爾。

卞培基詩集序

逸士抒懷愛交風月才人寫興乞助江山惟襟抱之不
侔徵嘯歌之自得獨來獨往蕭然我有太虛勝具勝情
邈矣人遊仙際此有時醉處偏安謝諶之門而肆意清
遊莫嘆蕭恭之屋者也則有濟陽舊系和氏良材似延
之長謝長官高投仙幘如士蔚不求仕宦獨賦枯魚奉
柳母以閒居早有承歡素志並萊妻而遠俗兼思偕隱
遺風迫乎慈烏之報已虛雙鳥之情又折獨此筆床硯
匣黃絹空題因之藥竈丹爐青囊靜試通桐君之舊錄
紹松隱之家聲半畝綠畦小住滄浪亭北數枝紅樹移

居臨顛橋西微吟則叔夏孤琴獨傲則幼輿半壑然而
杜門却軌尤須範水模山入夜滄江船是米家書畫窮
年峻嶺屐爲謝氏階梯試一溯夫遠遊曾特標夫雅尚
鳳凰嶺畔帆開夏口之津鸚鵡洲邊棹泊寒溪之渚誰
歎解珮憶漢女子風亭何處塞蘭懷湘纍於月浦遂底
蘿山藥岫便經沅澈辰谿乃達牂牁遙問龍標之里直
通貴筑徐探燕子之崖拓志趣以歸來寫才思而獨遠
略如宗炳偏遠臥遊頗似劉敞依然隱迹舊踪入夢追
烟雨于何年新緒縈懷訴關山于往日常聞一時之悲
喜遂傳萬首之詩篇僕也征騎初停做廬少息差同對

衡望字。每辱命。駕褰裳。本多衛玠之愁。豈擅江淹之筆。
顧一絨索序。謬期祇墨含毫。乃十倍輸才。勉欲膏唇拭
舌。誦伊人之雅什。媿賤子之無文。庶幾附去青箱。聊寫
居游之逸致。剪來紅燭。永傳風雨之幽情。云爾。

從風月江山寫出居游勝致。澹思濃采。名士風流。獨
握雕章五色筆矣。

華持四楚遊草序

渚宮柳暗清歌出自劉郎夢澤春連麗句傳來白傅聽
雨聲于巴嶺偏深剪燭之情探月影于湘潭更發移船
之興凡以騷人土俗每添游子風流苟借助于江山自
揚芬于蘭芷者也吾友華子持四以跌宕之才工羈愁
之什詩成詠雪今夕歸吳緒是悲秋他時客楚帆落鳳
凰峯外櫂迴鸚鵡洲前水合滄浪樹繞晴川一閣山分
嶓冢花深斑竹重岡入郢而過荆臺迢迢東峽臨江而
通夔府歷歷西陵山鬼女蘿香冷姊嬃之宅溪楓夜狹
魂銷宋玉之祠斯又溯巫邑以尋幽且更探夷陵而訪

古是以夢憐雲雨牽客思于天涯唱學銅鞮觸鄉心于故國懷舊則寫蘭成之怨依人則杼王粲之愁示我新編多君雅格覺蕭湘滿卷如聽漁父遺音江峽供陞不
僅竹枝逸調者矣僕也未涉汀洲有懷杜若問采芳于公子遠征終愛江南欣抽思于美人清韻特憐渚北獨
羨陽春之曲未敢繼聲聊綴下里之詞比同引緒云爾
紅錦晚開白珠秋鴻妙在雅切楚鄉風流一往字字
清深此爲騷人之苗裔

琴清閣讌集詩序

一夜寒飈。楓江落葉。十年舊雨。琴閣傾尊。風流洛渙之
園。瀟洒雲溪之友。旣相思而命駕。爰促坐以分襟。牛郭
半郊。此地絕勝。金谷一歌。一詠。斯人。豈擅瑤華。飲須桓
景之杯。幾叢密菊。寫入羅含之宅。數種幽蘭。寧不嗣音。
春勝遊於兩度。惠而好我。締冲賞于三秋。心旣藏之歡。
彌洽矣。於時。淡雲遠合。薄靄斜凝。暮鴻起而桂浦昏秋。
鶴翔而花洲晚。主人則星標玉立。願結珮於芙蓉。坐客
則月湛霜明。思贈言於瓊玖。以芳辰之會合。辱下走之
疎狂。陶元亮之歸來。羞云五斗。管公明之辨難。藉爾三

子更沒滑樣爲撰選緯式命願前之引希有席上之資
心有慕乎伊人詞則慙非健者

清詞麗句緯以古音手筆不讓唐初

鄭可亭越遊草序

柿葉傳書。緬遺踪於博士。梅花下拜。推逸韻於都官。撫
紫塞之關山。曾記聲悲倚馬。踏灞橋之風雪。還憐吟徹。
騎驢至。如入秦苑。以栽花使臣。灑露過湓城。而題驛客。
子經春。從來鄭氏之良。自擅詩人之致。今可亭足下。辦
香龔哲。著譽青年。裴敬叢幼。卽能文。黃子炎少偏善辨。
繼事緣情之作。遂多見性之篇。清如舞雪。迴風健似翻。
霄下鵲。每留神於光景。欲乞助於江山。宵冷垂虹。繫艇
則依然疎柳。曉寒放鶴。登亭則猶是閒雲。迺爲越國之
遊。遍覽揚州之域。分湖漾碧。好看雙水波來。孤嶼浮煙。

便引六橋人去。浦外芙蓉不老。堤是蘇堤。寺前香雨長飛。宅爲裴宅。訪綺流於清霽。前溪徵棹。顓歌中問。翠藹子長。興願渚。入天隨句裡。遂繞桐廬之夢。更探梅嶺之芳。元英猶號先生。故居苔掩。紫微尙稱太守。舊署芬留。臺傳客釣之風。石憶仙棋之迹。凡入疆而選勝。俱操翰以成章。芒鞋竹杖之緣。山郭水村之興。幽懷鏡曲。則元實何人。遠望蘋洲。則柳吳有體。寫以澹思。濃采。出之麗句。清辭。祝彼覓句。閉門較子。轉嫌寂寞。假如得心。又手多君自有鮮新者矣。僕歷自紅橋。歸從白下。王後之之挂。頰孤眺晴巒。張季鷹之乘舟。晚依秋水。煙霞適矣。襟

抱蕭然。乃辱投什於伊人。且令贈言於下走。秀想高峯。
南北。筆寫松陰。奇誇澗水。東西。思傾雪浪。洵榮陽之佳
士。爲吳苑之才流。披盡高吟。有羨志和之。泛宅把將行。
卷直當宗炳之卧遊。

色澤旣雅。情韻彌深。於越江山。俱歸銘鑄。妙仍出以
自然也。子山子安。合爲一手。

月滿樓文集卷十一

元和顧宗泰景猷

受業韓文綺編輯

序

太白酒樓少陵南池詩序

千秋舊跡。境厯魯齊。萬丈光芒。筆推李杜。絢遺微之。宛
在知大雅之長留。俯仰依然。寧間莫雲。春樹登臨。猶是
那分渭北。江東則有太白仙才。高樓勝概。夕陽半郭。遮
簷角于女牆。新月一天。捲簾鉤于子夜。命侶而每偕六
逸。披襟而嘗醉千觴。嶽色遠來。眉端直窮紫翠。濟流曲

纔足外欲起銀濤信可攜謝客之詩於以擅騷壇之席。
若其少陵往事主簿同游城下古池花前勺水心懷稷
契追東屯西閣之踪胸次雲霞撼洗馬鳴蟬之句佇虛
闌而窈窕通幽磴以漣漪香動秋渠看濕紅于細雨筠
庄暑竹撫涼碧于疎烟堪尋小憩之風流試別永存之
石碣僕乃廿年湖海兩度京華過此而謁崇祠謁來而
瞻古像欽二公之鉅手振六代之頽音老屋浣花憶窮
愁于春瘴危機采石追瀟酒于江波惟茲東郡之獨經
欣接當年之高躅蒼茫異世望星漢以何從落拓一時
溯文章其不朽耶寫長歌短韻自將蓄念幽情乃好事

者譜以丹青。繼聲者辱多屬和。編成一帙。用綴弁言。從知憐哲彥。于蓬萊工部。則同期瑤草。念伊人于泗水。翰林則並永金尊。

分說合說互說曲盡能事舉頭天外振袂雲端風雅高寒此題須有此筆

相國尹望山先生七十壽序

竊聞岐山鳴鳥彰壽壽於西郊嵩嶽降神表勳庸於南
土蓋當重熙累洽昌期歛五福之休必有緯武經文碩
輔爲萬邦之憲總師干而普德人是德星參廟筭以調
元望真元老蜺旌龍節江漢宣威赤舄褒衣斗魁佐化
斯綏衆而廣阜成之慶自應天而昭平格之休也惟

師相大人間世鉅儒烝民先覺夙騰輝於鳳館旋翊運
於龍池文章司命之權天人三策經濟秉鈞之手憂樂
一心况夫補袞家聲名垂金榜和羹世德譽浹沙堤非
獨矜尹陟於殷邦輝聯闕闕直更軼韋平於漢代望領

冠裳入久參黃閣之宏勛出常膺碧幢之重寄北門臥
護樹畫戟而風清南國循行芾甘棠而澤永控金城於
三輔政肅秦關俯玉案於五華恩流洱海遐撫楚州上
下重開嘯月之樓遠綏巴嶺東西更靖籌邊之驛開府
每兼夫列鎮持麾最久於兩江藹似和風錫兆人之飲
食霽如旭日倡羣吏之鞠謀計卅載以功崇厯五巡而
績茂宜乎涵濡及物永樂利於春臺自爾保艾從天光
邦家於福履以佑民者錫嘏大德曰生將析耇者宣慈
至仁必壽屆初夏而冀舒八莢頌無疆而椿厯千齡方
花宮浴佛之辰卽

香案承恩之日自

天子所歌入覲於韓侯以我公歸望還南如申伯於時
鸞書特賁扁傳介祉之榮

鳳誥新裁閣重阿衡之寄卷阿矢詠徵喜起於明良台
座分班協箕裘於前後仍體蒼生之愛載還命元輔之
旬宣齒重耆英洛國豈留洛邑勲參密勿贊皇重鎮淮
揚從茲牛斗之墟編戶欣依乎愷悌凡在楚吳之壤通
衢歡起夫謳謠維翰則大江以南羣紀岡陵之筭迓衡
則光天之下永瞻亭毒之功矣奉才愧蟲雕識慚蝨測
深蒙獎飾律回黍谷之溫厚冀生成袂托龍門之峻指

月清樓文集 卷十一
臺菜而頌德。擬葵藿以輸忱。欽闕苑之賡歌。謬繼聲於
下士。仰瀛洲之盛遇。希效祝於中樞。伏願歲閱八千。永
熒周師。召保治扶。三五常昭。杜斷房謀。云爾。

骨重神寒高文典冊自是幹河岳手筆

相國阿廣庭先生七十壽序

五百年必生名世德炳台垣七十春久贊

古稀壽齊嵩嶽鳳郊真欽考造麟閣盡仰元臣益當抗
羅舉暉曠代乘非常之會斯見經文緯武極天致平格
之庥出則勳軼召方氣澄薄海入則望侔旦奭機翊中
樞此經綸之業動雲雷而覆幬之功綿歲月也惟我
公相老夫子大人邁古大賢烝民先覺世承調鼎金榜
名垂公在庭鈞沙堤譽重詎數殷家之伊陟休誇漢代
之韋平逢景運而治盛中天振殊猷而輝凝丹座穆綽
默參之量萬一難窺奮庸顯鑠之謨人天並仰當金川

之。蕩。醜。維。玉。壘。之。籌。平。霧。霄。雪。礪。堅。攻。偈。仄。蠶。叢。虺。域。
險。厯。崎。嶇。志。決。機。明。策。元。戎。于。五。載。盡。殲。勇。奮。整。勁。旅。
之。七。千。勒。烏。圍。先。事。掃。除。擊。礪。則。束。薪。囊。土。噶。喇。衣。旋。
教。犁。定。梯。坦。斯。水。斷。雷。轟。三。路。布。犄。角。之。形。一。軍。專。擣。
心。之。略。罪。人。悉。得。全。境。救。寧。百。戰。斯。成。揚。

聖。人。之。神。武。一。勞。永。逸。盡。元。老。之。誠。謀。膚。功。勒。太。學。之。
碑。崇。隆。穹。壤。凱。奏。紀。郊。臺。之。典。彪。炳。鼎。鐘。若。夫。枯。拉。天。
方。霆。摧。回。部。傳。檄。花。門。而。底。定。馳。風。月。竈。以。圖。寧。師。振。
奇。木。城。邊。威。清。拔。達。山。外。獻。馘。盡。消。夫。蟻。聚。折。衝。丕。布。
其。鷹。揚。

天子寔倚干城軍中交推密贊至若憫西番之觸鬥奏
撒拉之翦平絕道填壕華林詎容困守焚糧拿柵黑帳
胥報焚除恍攄伏林滿四之魂永靖醜種潢池之弄他
如小山鼠竄石堡鴟張

赫怒重命壯猷相機必申專討密防狡兔遁穴則兩弩
齊飛聚捕羣蠡傾卵則霜刀弗頓生獲盡三千之口勦
擒才一月之師輯邊鄙之猖狂驚神威之迅速歲全功
而完善出撫略以綏安四海事首貶平章股肱心膂萬
里外咸欽威望社稷蒼生至四瀆爲潤域之原三壺乃
滄溟之要柴塘祇資坦水石障斯護迴瀾奉

密命而勘工。勤遄征于歲臘。訊度俾魚鱗永固。究圖必
虹亘彌安。若豫水籌堦。祉于上游。引河議改紘于掣溜。
金門流斷。二百里直導新渠。竹箭波長。東南境交趨大
壑。更如星駕重臨。黃水月隄。續履陶莊。馬港東西。彈田
廬之碩畫。雲梯內外。相闢壩之深機。體

一人惻怛之心。規萬姓養恬之計。治關利弊。每勤菱舍
巡行理。燮陰陽。悉贊

朝廷密勿。宜荷特殊之

渥眷。疊膺未有之

恩施。執桓封列上公。典校世傳都尉。龍團袞服。輝垂金

帶之華鳳綴冠纓光燦寶瓊之飾鳴螺飲至抱見旣慶
提紅旗飭騎分閑扈行更欣加紫轡圖呈聚米異數不
羨凌烟詩叶聯籤偉績迥超入蔡重北山之深義

書扇薦念賢臣充南極之吉輝

錫章名追郭令擬臚陳而挂漏欲悉數以難終黃扉與
紫閣齊推一身兼人間將相武英偕文淵並領萬方識
天上保師統攝銓衡遍羣材之品藻平反典法弼至教
之文明掌迺槐廳盛事傳玉清之長典茲羽衛先聲綜
神策之英日密佐乎

萬幾精神海鶴久潛孚于一德志氣雲龍載逢柔兆之

年欣值仲商之令初度仰連

聖節瑞應珠囊古齡獨協洪疇筭緇玉笈采薇天保真
合中外之嘉符湛露彤弓并作邦家之顯慶閨週翠簪
當秋中而

玉闕天高曉孕蟾輪際月始而錦堂祉茂親仁里第

寵賚駢蕃光德門庭

恩榮懿鑠家芬傳乎鯉對世澤嗣在鵠原遠乘仙客之
槎高列清門之戟桐枝茁瑞蘭葉綿香罔不介景稱懽
均是添籌志樂中朝咸尊耆耆轉一氣于洪鈞邊使
盡識相公登八荒于壽闕矣泰夙荷裁成素蒙引掖

判事禁垣之次。司言秘省之班。袂托龍門。指臺萊而頌
德。風趨鳬藻。愧葵藿以輪忱。從知紀閱八千。長卜雨露
風霆之宏化。彌驗治孚三五。永垂丹青竹帛之遠施矣。
謹序。

蔣臨臯州牧之任膠東留別詩序

春風楊柳唱出渭城細雨桃花歌從潭水自昔分襟之際每多贈策之情況乎十載使君一方民表深慈浹於屏翰雅望重乎江山苟遠去以攀轅將流連而解佩宜其寫爲篇什莫能盡厥情文也臨臯先生白山世胄滄海詞宗少歲代親孝聞塞北中年筮仕仁遍江南清陰尤在三吳美治還周一紀本鸞凰之品流雅頌之聲每列戟以焚香亦吟詩而載酒興偕僚佐月愛庾公會有賓朋風懷邢邵彷彿醉翁亭上公歸而人看籃輿依稀虛白堂前衙退而臥高琴枕旣摠懷之瀟灑更爲政之

風流。是以破臘探梅。謝屐則銅坑銅井。乘秋采菊。麝舟
則香溪越溪。競識芳名。亦遍於走馬平童之口。羣欽仙
範。還依於筠簾碧簾之間。屈宋可化。衙官友于。亦關花
鳥。真是家家團扇。直教處處畫屏矣。乃我公蒞止。永期
坐隴。蘇州而嘉績。用休新報。量移齊土。晉擢三刀之秩。
先分五馬之輝。天柱山崇。挹翠螺於海表。掖河水廣。溯
碧浪於膠東。依然卽墨。古城爲問。田橫之蹟。宛爾之萊。
舊壤還追。賓戚之風。公餘儘可登臨。遙計正須撫輯。獨
是彼都士女。車前願迓。細侯而在。我國人民。郊外思留。
叔度先生。重切別離之感。追維故舊之悰。坊是黃鸝。夢

繞昌亭倚棹橋。云鳥鵲心飛茂苑。馳輪同東洛之分司。
並拈題而命餞。幾西河之作郡。却寄詠以緘愁。爰賦五
言。獨成長什。韻出丹楓江上。聲清黃葉林中。俾賡和於
同官。辱序言於下走。媿少吳均之思。常望蘋洲。偏叨徐
穉之情。每懷燕寢。用是恭疏小引。因此竊奉仁暉。他年
淮海重臨。轉冀陽春有脚。此夕灘涵。遠去永傾菱舍。遺
踪。

凝露初鮮。流霞最絢。風藻之飛也。其入神處。在情緒
宛轉。一往彌深。讀之如聽三疊陽關。令人鬱伊不盡。

金小笏雲區詩序

清風載菊。每羨陶園佳話。賭棋常懷謝墅。惟襟期之灑
落。必邱壑之流連。小笏主人。彭城賢裔。新築玉山佳處。
最宜婁水西偏。潭中塔影橫流。紅顏夕照。檻外雲光倒
漾。碧散朝寒。欸乃一聲。舟出垂楊之渚。灣環半曲。橋通
修竹之亭。于是對景舒情。尋芳選勝。峯看文筆。儘可留
題。洞憶桃源。更堪寫照。姚子章野航。宛在願接風流。范
幼元後圃。居然偏多興趣。髣髴文莊好學。堂構坡東。依
稀處士藏書。館開橋北。真登臨之可樂。自吟咏之彌工。
至夫座有良朋。疎牕刻燭。門多遠客。曲室披襟。綴牋紙。

于五花。毫濡珠露。傾醪醺于三雅。碗泛金鱗。旣愜古歡。
亦聯今雨。況乎南陔。至樂幽薄。多春侍洛社之衣冠。看
哦詩于月下。依香山之杖履。欣繼響于風前。爰命同儔。
偕賡逸韻。盡托紀羣之誼。寧不嗣音。直追皮陸之風。惠
而好我。快向吳淞。剪取主賓。可入畫圖。秀從崑阜。分來
翰墨。永留石壁。

丁午橋固陵遊草序

過江才子入洛名流。寫絕妙之詩篇。眺中州之山水。馬蹄臘雪。過黃土之岡。梅驛春風。歷清流之境。抵固陵而寄跡。蒹蓼邑以留情。下榻陳蕃地。推賢主。開蓮王儉座。有良朋。每拓筆于幽齋。遂采風于勝壤。竝黃國遠。舊近汝南。楚漢疆分。遙通荆北。鮑陂有所迷。下蔡之寒烟魚齒何方。頽魯陽之落日。叔敖祠外。幾登青峯。王粲樓前。數層碧水。偏鬱伊而善感。藉景物以抒愁。按拍聽歌。腸斷鳳城之曲。臨岐送友。魂消弋水之舟。方開千里黃花。每懷親妹。乍度一行紫鴈。彌憶弟兄。照眼潢河。溯臨淮。

而對兩聳身崖閣。盼嵩嶽以攜雲。惟茲閱歷之真。盡遣
嘯歌之志。積成卷帙。辱命序言。聞將赴濯錦池頭。知又
賞三亭之州。月轉回思。迎春嶺畔。永難忘五水之關河。

范桂堂詩稿序

翳高平之世胄。本參政之家聲。當羈貫而能文。亦成人而善咏。徐鉉著秋聲之賦。王融擅曲水之篇。抽秘騁妍。無非妙緒。含宮飜徵。盡出微吟。此積有篇什之多。遂獨擅風流之致。况乎學歸弓冶。師在庭闈。抱蘭氣於咳前。繞芝芬於砌下。斐然有就。何妨譽我佳兒。卓爾不羣。自由於名父斯。又萬里卜鸞音之遠。而一堂徵鯉對之休者矣。若其洗滌塵心。含咀道妙。淡紛華而弗悅。親卷軸以長勤。卜宅香山。採取梨花之里。移舟瀆水。采將研石之材。晨滴露以揮牋。夜臨風而染翰。宜腕底集珠璣。

之彩行間帶錦綺之華也。試取其詩誦之。含毫欲腐。著紙都仙。或舞雪而迴風。或落花而依草。或裁雲而截綺。或刻玉而鏤冰。或圓健如駿馬下坡。或流利如彈丸脫手。平章風月。則一往移情。得助江山。則隨時涉趣。聯李家之詠。依然花萼成篇。匹謝氏之才。宛爾芳蘭竟體。固當獲新。莒於夙穎。抑且含秋。實於春華也。今者僕有遊燕之役。君深折柳之情。玉白花紅。脉之行卷。曉風殘露。屬以題詞。不減范雲深羨。瓣香之有屬辱。憐顧況却慚操筆之無文。漫中紙以寫懷。爰飛毫而紀韻。愛茲千首。并以數行。他時。鶴北歸來。佳句應添黃絹。此夕江南。贈。

去燕詞聊贊青相云爾。

臨風舒錦滴露散珠寫出詩才一往清雋情文回互
駘宕移人其仙於筆者耶

玉山同人笠亭小集詩序

序入初秋。人逢七夕。伊清風之乍至。適舊雨之重來。爰
連袂而敘歡。綜遂分吟而成好會。玉山勝處。岫疊仙螺。
婁水分餘波。回細縠。散奇襟於曲渚。訪幽景於虛亭。竹
外僧房。紅上半牆。夕照花前。漁舍清依。片岸殘霞。迨乎
月吐銀灣。星移碧落。仙人韻事。齊托想於瓊樓。才士秋
心。盡抒華於翠管。至如有懷遠道。深眷良朋。鴈去鴈來。
江南江北。碎琴燕市。淒其伯玉之踪。吹笛甘州。掩抑何
裁之曲。望關山而莫接。締縞紵以長思。尤足動我深愁。
彌復觸人至緒者已。於是各題四韻。並賦七言。點筆石

關就桐陰而寄感。傳箋雲樹。聽松籟以言情。辱一卷之
遠貽。屬數言之短引。靜比草堂愛汝。直當何日忘之。遙
思今夜從君。便擬褰裳往矣。杜甫詩愛汝玉山草堂靜
王建詩遙從今夜河水隔
洗盡沿華自標雋致。故知深人無淺語。